



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五四一

使瀋草三卷 姚元之撰

一

廌青集二卷 姚元之撰

二七

蜜梅花館詩錄一卷 蜜梅花館文錄一卷 焦廷琥撰

一〇三

因柳閣詞鈔二卷 焦廷琥撰

一三一

白華山人詩集十六卷 白華詩說二卷 厲志撰

一三九

衍石齋記事稟十卷 衍石齋記事續稟十卷 錢儀吉撰

二四七

刻楮集四卷 旅逸小稟二卷 錢儀吉撰

六六九

衍石齋晚年詩稿五卷 錢儀吉撰

七二七

萬里之氣歛而益奇百
年俟命其樂可知沈思
入海異采徹天即以詩
論何患不傳道光二年
自月同歲生吳嵩梁記



于役瀋陽柳來雪往時多斷句觸興爲章
間有雜言偶以備體敢曰言詩記事而已
壬午花朝竹葉亭生姚元之識

序

使藩艸卷一

桐城 姚元之 伯昂

道光元年十一月奉使瀋陽恭篆

高宗皇帝玉寶出都順天府給官車一兩餘俱自備

同使者內閣中書二人

造二人

每日人各一兩五錢往還以四月計監造除

本署公費伙助外復支領官費各四十兩仍

行取本處每日路餼惟翰林衙門今無之因

使藩艸

卷一

占口號以備故事

前輩惠言以意吉士充選衙門以公費助行

計錢二百千臯文令弟亦云然是亦舊聞用

天外黃雲凍不開征車迢遞逐寒來路人不識瀛洲

使笑說龍門破額迴

中書日食判堂餐內府金錢賜度官惟有玉清宮下

客單車獨耐北風寒

潞河柳

潞河楊柳太慙生小立橋邊似送行一到青青便相

見暫時風雪莫關情

通州懷同年謝迤西觀察峻生却寄

天家屏幃綵雲邊銅鼓蘆笙樂有年八百婦人應拜

手南荒今見使君賢

十年芸館久追歡送別城西我獨還萬里故人天一

角輪君卧對點蒼山

點蒼山對使君居點蒼山色滿君廬山色萬里不可

寄好寄看山一尺書

過三河展拜先人墓下作

使藩艸

卷一

青青松柏已迷離馬上遙瞻涕淚垂下拜一言應報

慰明年會見長孫枝

路中逢舊友之山西

白髮青驄繫柳條少年之武亦魂消恩讐未盡誰能

死莫過汾西豫讓橋

板橋題壁

茅店沈沈夜月光板橋不見路茫茫請君莫問行人

迹如此寒沙定有霜

宿野鷄坨旅店寄徐汀州漪堂書

知君五馬過江東憶我圍爐臘酒濃那信客中傳錦
字五更風雪在盧龍

望盧龍城

隱約朝烟夾霧生朦朧疎柳亂鴉聲初陽忽上城西
角短堞橫空一線明

盧龍道中

日日上山如上樓山高山下不知愁若教借著阮公
屐吾欲看山徧九州

題背陰堡

使潘仲

卷一

三

爲憐青翠却停驂落日峯頭酒半酣誰謂北平太蕭
瑟斷無山色似江南

明徐燭句

擬楊柳枝詞

紅雨朝來濕翠眉綠陰濃處嘯黃鸝行人不唱陽關
曲歲歲長條到地垂

早起度山海關是日風寒欲雪

大漠雄關向日開西風獵獵動如雷白登臺上黃雲
色爭逐寒聲萬里來

出關放晴

關頭晴日照山紅關外行人大道東莫謂出關天漸
遠黃圖猶是右扶風

姜女廟

陣陣靈風掩畫旗千年遺恨屬蛾眉不將珠淚隨東
海祇恐滄桑有盡時

望夫石

在姜女廟

望夫石作望夫臺心死成灰夫未回地老天荒石不
轉千秋萬歲望歸來

東望君歸妾尙存望君不見又黃昏海有惡龍山有

使潘仲

卷一

四

虎教人何處爲招魂

姜女墳

廟之東南可十五六里海邊有石巋然立如
人形相傳爲姜女墳

百折難回盡此身海邊荒塚草邊春妾心但逐洪波
去終古東流不向秦

關外登山絕句

野氣橫空大漠昏長城天塹若雲屯已屆滄海爲東
郭更卷陰山作北門

醉過前屯衛

醉將曉色作黃昏征馬蕭蕭歷幾村
借問行人何處所澹烟濃樹舊前屯

出關二日天氣晴明紅日滿山河
冰盡解死有春意喜誌以詩

後所前屯路遶綿水流如鏡柳如烟
幽州莫道荒寒地眼底江南二月天

宿望海店望海

不見珠宮十二樓却看明鏡半天浮
夕陽紅處歸雲

使藩卿

卷一

五

外一點輕帆似白鷗

零丁洋裏記停舟夢隔天南又幾秋
六月磨刀山下

路霎時相見在并州今昔游南海六月駐舟零丁洋磨刀山下今此海中遠山斷續宛與磨刀相似如見昔游矣

枕上聽潮

海潮冬入海汊則聲細薄寒初水潮至碎擊

亦微有聲靜夜聞之因賦

宛如江女出華池環珮微聞按步遲
一枕荒村夢初

覺滿林殘月上潮時

夜行

霜氣空濛生野烟寒更欲盡未明天
鈴聲替戾穿林去萬樹梅花一月圓

遊道旁廢寺見文石一片已榛莽中猶斐然可愛

亦曾珍惜比璠璣今日文章屬子虛
偃卧墻南何所似茂陵憔悴馬相如

過首山聞土人云登頂即見登州因風寒啜酌巨觥欲上風甚不果

使藩卿

卷一

六

瀛洲使者衣文狸把酒登山風亂吹
傳語長鯨且休息先生醉矣不能騎

寧遠道中大風

朝朝看雪寒猶淺今日始知寒意濃
日氣半沈寧遠

戍風聲直下首山松

呂翁山我朝擒洪帥處

當年雲黯翠微間十萬雄師誓不還
一笑健兒齊解

甲春風依舊呂翁山

寧遠竹枝詞

寧遠大道東復東惱人沙石刺人風過客前途莫問
里東西兩弓成一弓

車中女兒髻盤龍猩羶半覆牛車篷後有蹇驢前有
鼓輕綃一幅作蒙紅鄉中嫁娶多用牛車被以紅羶
前導鼓樂送者或策蹇手握紅
綃一幅問之云
用備蒙紅也

過高橋有感 并序

高橋屬錦州去錦五十里爲赴錦必經之路
嘉慶丙寅仲弟延之從同年沈月田尊人讀
書先生去爲錦州山長余復令仲弟隨出關

使藩帥

卷一

七

仲弟善病先生矜愛倍至無何先生父子相
繼下世今過此地不勝愴懷

梅子裁箋墨尙新休文一去不知春我來東海城邊
地腸斷西湖墓下人

登岡望海

紫澥黃雲接大荒高邱東望思茫茫斜陽半落雙龍
口捲起洪波萬里長

杏山

忽逢樵子陟層岡指說當年舊戰場今日春風三月

暮桑麻影裏盡牛羊

大凌河

朔雪凝風凍不飛千山樹色靄朝暉大凌河水聲如
鼓猶似

先皇得勝歸

大凌河邊見商販運穀大車連尾而渡自未
明至日中行數十里未盡關外豐樂之景於
茲可見詩以誌之

車聲殷殷上聲水溶溶粟轉河千百萬鍾一水分頭如

使藩帥

卷一

八

去馬千車銜尾宛成龍

遼陽自昔陸陳通

天子元年歲更豐遠勝秦舟輪晉絳何論梁粟轉河
東

車中見海上山一角

風逼簾幃晝不開黃雲漠漠捲浮埃夕陽返照東南
角時有青山渡海來

宿閭陽驛望醫巫閭山

萬笏沈沈暮靄間斷霞殘雪點蒼顏畫家合筆誰堪

似小李丹青大米山

閩陽驛旅舍聞鄰歌

無慮

平聲

山下月如霜白酒微醺夢正長夜半何人忽

雷撥聲聲低唱小秦王

閩陽驛漢無慮縣也顏師古注漢書云無慮卽所謂醫巫閭

廣寧道中聞風聲

雲樹斜陽一色黃風沙鎮日太猖狂疑從揚子江頭過捲雪濤聲入建康

抵廣寧風沙漲天欲登醫巫閭不可看山亦

使潘帥

卷一

九

復不見因有歸時相訪之約

偶過廬阜詩千首日對敬亭酒一壺爲報閭山香案吏川西李白是吾徒

尋山到此古來稀幸是相逢近翠微肯使浣花溪上客青鞋布襪笑空歸

登十三山望盛京

神京王氣五雲間大道縱橫接塞關帶繞長城遼海水屏開疊嶂太行山

陌上花三首

宋時吳中歌也吳越王妃每歲春必歸臨安

王遺書曰陌上花開可緩緩歸矣吳人用其

語爲歌東坡以其聲淒切而詞俚爲易之車

中午夢初回忽憶坡詩演爲三絕

陌上花枝歲歲開陌頭人得幾回來綠雲不禁星星去翠幃何妨緩緩迴

陌上花牽娘子衣陌上花須緩緩飛莫似子規怕春去一聲聲叫不如歸

花花葉葉各相當緩緩行來旌旆香九十日春不妨

使潘帥

卷一

十

再百年人壽豈嫌長

羊腸河

遙通北海連東海一線中橫未覺寬天下異聞多不見岸纔如甗底如盤

晴暉曲曲帶沙明荒草綿綿夾岸生水面却看杭一葦腹流傳說已橫鯨

將抵潘陽大風寒甚

月華依舊挂林梢風起平原夜更驕應爲使臣將入境臨河齊結水晶橋

遼河夜雪

遼海連天白玉光朔風西望暮雲長自非天與消閑
日看雪誰能到瀋陽

覽鏡

四牡駢駢未解裝忽嗟白髮鏡中長如何半月遼陽
客却帶臨渝塞上霜

永安橋見一豕人足而行

公子彭生信不虛負塗誰見鬼盈車封狐九尾烏三
足可盡山經是怪書

使瀋州

卷一

十一

憶舊遊三十五首

閑將舊事却翻新客館晴窗若有情記得綠梅花下
路曉風輕舫過蕪城

繫纜瓜洲洲上頭瀟瀟暮雨隔江秋平明把酒看天
色一髮青山出潤州

銀燭高烧宋玉堂雪兒低唱小秦王座中白髮將軍
在聽到伊州淚萬行

采石磯邊紅葉舟秋江曾與季常遊興來袖得宣城
句共上青山太白樓

家弟伯山同舟過采石各
寫新詩登樓貼廊壁間

使瀋草

春日新晴上曉窗南中佳况客心降鱗魚竹筍剛三
月白柁紅橋下九江

險韻同拈孟與韓一船風日遲去聲河干燈前聯得新

松句雪滿平津未覺寒謂胡小東比部及家弟伯山
余時與同舟北上每夜用韓

孟聯句
韻聯句

新水河流接大堤雙旌朝發虎牢西桃花開候濛濛

雨到處春山後悞啼後悞鳥中州多不知
其名汪鈍翁詩用之

最憐花事滑城西風景愁人似此稀白馬寺前三月

雪絳桃穠李一齊飛今偃師古滑國也春來花如錦
綉是歲三月暮過此正欲看花

使瀋州

卷一

三

傍午忽大雪深
尺立時零落

河北停驂木末彫百泉秋雨夜瀟瀟共姜祠畔添新

水綠過湘江二月潮丁星船謂此
水清勝湘江

登封小郭出通天步上嵩高散午烟黃蓋峯頭披草

坐白雲青鳥到衣前登封城門額曰萬歲
蓋仍唐萬歲通天也

會上青柯坪上行金天太華看分明捲簾玉女窗中

見捧日紅雲足下生

朝登日觀紫雲迴極目蒼冥眼界開對馬一峯隨海

去齊州九點破烟來

長風沙上浪花麤朝別皖公見小姑一日潯陽一千
里短篷三醉過明湖

輕舟渺渺水泠泠爲訪匡君日再停五老峰前一迴
首大江九派入天青

章江新漲落梅天上下洪都木版舩不斷秦箏三百
里水車聲在綠雲邊

鮮果炎州共一盤天南風味少人餐新圖添得茶山
畫桃綠蕉黃荔子丹

錢茶山喜畫菓品

海上仙人不可招紫簫花鼓午時潮長風一葉新安

使藩艸

卷一

三

艇直破零丁萬里濤

澳門天遠客遊稀海國殊方俗未齊短袖黑衣嘆咭
喇高冠紅帽佛郎西

茅津東去水如奔底柱驚濤晝欲昏獨過下陽看秋
色二陵風雨到龍門

尚書白骨已成塵梵宇花宮近自新誰補博陵當日

恨一天秋雨過蒲津

弁山尚書重葺西廂

揚子江頭雨殺風峭帆無那水連空醉圖五月披裘
客喚起漁翁放釣筒

春晴買酒大堤頭大堤女兒江岸游齊唱吳娘暮雨
曲迴船打槳下揚州

兩岸青山斂翠蛾秣陵何處月明多六朝簫管秦淮
夜獨倚橫塘喚奈何

臺城沽酒起愁思醉買輕舟逐柳絲行到清溪風正
好落花春雨小姑祠

鐵鎖危樓枕石磯單衣歇上坐斜暉臨風一唱江南
曲水落春潮燕子飛

寶晉齋頭獨往還放船十里棹歌閒風流不見襄陽

使藩艸

卷一

十四

老紅杏花明北固山

李白懷人牛渚夜我來牛渚憶青蓮空天皓月秋如
洗一片江聲斷岸前

荻花楓葉作殘秋獨咏琵琶江水流我亦青衫明月
夜風流不見白江州

鄱陽湖上蓼花洲釀酒烹魚八月秋欸乃一聲湖水

綠滿船明月上饒州

祁門艇子趁浮烟曾爲觀陶上小船夜月浮梁看秋
色萬家燈火照晴川

上下秋江幾百村北蒿古剎最銷魂西山半夜濛濛雨獨聽鐘聲出寺門

船頭載酒五湖還夜入江南第一關正好潯陽秋月

白舉杯三酌皖公山

方家園子柳依依猶識故人千里歸醉卧小亭看殘

雪梅花香雨落春衣

吾鄉方竹吾北園花竹擅一時之勝

白鶴峯前江水長一回臨眺一神傷他年白髮歸來

日却便逢人問故鄉

余葬先人於北平異日歸老故鄉之夢恐不可作矣

撥開爐火夢初醒短髮星星感舊經十五年來最堪

使藩帥

卷一

五

憶秦山楚水髻邊青

于役藩陽喜與周午亭庫掌桂齡徐餘圃筆

政善慶同行

寂寞征車共鞠塵寒風千里倍相親憑君欲問三生

石疑是龍華會上人

樂遇六首并序

于役藩陽時當夜雪客館挑燈看書自遣偶

有所觸輒得斷句六首夫天地生物生即有

情況於人乎過乎情矯乎情均之失也與接

使藩草

爲構吾不知其適然歟有所以然歟不可知亦不必知也守命則樂隨遇焉可矣因題曰

樂遇云

百年蠶觸苦相爭但說無私豈定評濠下游魚花上

蝶南華畢竟不勝情

生前玉貌病前身夢裡猶教日月新但有多情漢武

帝更無失意李夫人

迴文織就淚痕多薄命難齊是此梭世上若無蘇蕙

子人間那有寶連波

使藩帥

卷一

六

人人爭美小游仙馬影龍聲隔遠天縱使吹簫堪引

鳳可能滄海不成田

東海麻姑閭逝波雲輶翠鈿隔烟蘿無端忽露纖纖

爪可奈人間背癢多

華屋山邱劇可憐恩讎盡總雲烟黃梁一枕邯鄲

夢彈指人間四十年

得徐星伯同年書却答

別未兼旬月已圓離懷渺渺託魚箋經時不見尋常

事但隔長安便黯然

九

客有話館閣書者因問余與徐星伯孰勝戲

占一絕答之

芙蓉不及小桃紅一樣簪花未許同鄒忌自知脩八尺敢從城北望徐公

使藩帥

卷一

十七

使藩帥卷二

桐城 姚元之 伯昂

至瀋陽瞻望城闕作歌

神功開出此雄圖雲氣飛揚想舊都

大皇帝來新日月紅魚黑齒識曼珠

曼平聲我朝自天命十年遷

瀋陽天聰五年增拓城池更名

盛京要荒悉臣西番萬里獻丹書文稱曼珠師利大皇帝

安東都護接東牟南扼滄溟萬里流

黃鉞一麾光紫極春迴遼海作

皇州

使藩帥

卷二

一

五雲紉纓是

神京十二樓高天外明山色翠圍開

大政日華紅似擁

乾清

棟牖松雲生紫烟民風太古樂堯年至今春酒稱觥外不識無懷與葛天

憶余甲戌充禮闈同考時齡筠莊司空以給諫爲內監試朝夕晤聚相得甚歡別來八年矣瀋陽重聚欣感并集屢惠酒食詩以誌之

高館清尊醉不辭幾年相見髻成絲誰知客夜遼陽月重話聽鷄鑣院時

焚香徹幕記前盟燭炮燈闌夢乍醒十八人中數年少可堪華髮已星星

同考十八人年次余者惟唐太守鑑汪觀察全德二人

瀋陽喜晤昇賓旭宗伯同年酒酣賦贈

寒日安東路幾千故八清酒與周旋忽思唱罷霓裳曲落月停雲二十年

題昇賓旭宗伯同年寅使喀爾喀紀程草後

太白能遊興不孤高吟得到此間無何當小李將軍

使瀋州

卷二

二

筆爲作看山天外圖

駝黎泉上水清冷杭靄山高萬里青一自景純仙去

後何人添注大荒經

駝黎華言鏡也塞外山皆童而頭水皆鹹苦惟駝黎甘冽杭靄

草木明秀

盛和鈞府尹贈盛京志且惠酒食把酒夜讀

喜而有詩

遠海奇山天外搜周王車馬不曾周誰能直向長風醉卧作遼東一夜遊

恭篆

使瀋草

高宗皇帝玉寶歌

大隊旌旗出

舊宮將軍却立啟黃封

聖神自是輝天地白玉光成五色龍

小臣拜舞染霜毫寶墨龍文映日高廿九字成驚炫

目筆花如電掣宮袍

瀋陽南酒味絕美都中不及也使館朝夕設

此余飲不多而以大甕饋者猶鼎鼎未發輒

有斷句以許筐叔伯山

使瀋州

卷二

三

琥珀醇醪白玉甌東來吾亦醉鄉侯風流賀監應饒

甚悔不浮槎入建州

張驛丞功饋鹿尾鮮蟄

簷牙風落夜初更蠟炬花紅酒復清一醉奇珍並山

海不知身在瀋陽城

與松君芳

安蘇紀亭都禮兩舍人夜話

更闌燒盡廣南香人海升沈夜話長兩鬢不堪燈下

照芙蓉鏡裏有微霜

和西湖竹枝詞七首

楊鐵岩作西湖竹枝詞一時和者無數客夜
讀鐵岩詞偶一和之其風韻音節未能悉化
聊爲優孟衣冠遣興耳

送郎咫尺卽天涯風雨撩人郎心嗟爲郎簪得忘憂
草但自忘憂莫忘聲家

勸郎莫採蓮子衣勸郎莫捉蜻蜓歸蓮衣有子終須
別蜻蜓有翅總分飛

郎來湖水鏡樣圓郎去湖邊水拍天最惱雷峰舊時
塔遮人不得見郎船

使潘州

卷二

四

懊恨郎歌金縷衣郎歌一曲儂魂飛那日湖邊送郎
去風聲夜夜妃呼稀

鴛鴦湖上水連環不過儂家湖水灣怪底鴛鴦莫來
往儂家家住近孤山

儂家恨不住川西川西子規對對飛血口勸人無別
語不如歸去不如歸

十三嫁郎學篋篋商絃歌擅漢宮秋朝朝暮暮風和
雨從此西湖不斷愁

臘月九日夜雪朔風震屋恐不能寐

旅館寒燈思悄然朔風吹雪不成眠更闌一枕濤聲
壯渾似漂神夜泊天漂神十八灘之險者余曾泊此
值灘漲狂濤竟夜至今猶爲悚然

桂香巖學使招同齡筠莊司空昇賓旭宗伯
飲得樹軒

月滿中庭酒滿壺春明舊雨話

陪都他年得樹軒前雪留得飛鴻爪迹無

學使署有大榆樹扶疎橫畝百菊溪相國督學此
地時於署之西偏築室顏曰得樹軒年久傾圮令
弟香巖督學復來此於顏垣中得舊額別構三楹
懸之而自額其室曰景瞻用子由瞻念子瞻之意
也

使潘州

卷二

王

遼陽雜詩

唐家征戰苦句驪霜草年年沒馬蹄繡閣畫簾無限
恨半留春夢在遼西

江山亦自愛漸摩無那前朝設衛多猶是烏桓馳馬
地卽今絃管夜聞歌

遼陽壯士氣昂藏北山殺虎如殺羊傳來小雪明朝
是撿點長竿白蠟槍將軍歲以小雪後出
圍每歲例進兩虎

鹿皮半臂金鞞鞞臂上雙弓左右開三百射生齊上

馬將軍今日打圍來將軍歲進鹿二千六百餘

靜夜無聲客夢賒朝來寒色在人家紙窗似翦吳淞

水盡作春江白浪花

潘陽氣寒入夜尤甚炭能病人其煤日膠子中其氣者病與炭等夜來室中不敢置火晨起窻上水花滿若布粟細紋層層掃之盈大盞盞人

氣爲寒氣所逼凝結成此余名之曰水窻奇景由來客見稀碧天無盡雪霏霏斜陽半挂邊門

外滿樹紅綿作絮飛

潘陽當風日晴明滿天飛雪日光雪片映若紅綿畫家無此妙景也土人呼爲晴雪

明霞爲飾玉爲容山到遼陽巒嶂重欲向青天數花

使潘州

卷二

六

朶九百九十九芙蓉千山在遼陽州其九百九十九峯

五國城東風雨多舉頭不見宋山河獨留長髮鬢

在蟲老琵琶奈若何

三姓有長毛一種其人長髮衣皮若朝衣狀或傳爲金虜宋人置於此其遺種也

聞道安期入海門碧天耕鑿自黃昏祇今不識人間

世猶問秦皇幾葉孫

乾隆間有副都統巡查海邊沿海而南可三四千里至一國其人頂一冠若道士長衣胸繫裙裾漢語見人則問今是始皇帝弟幾代矣相傳安期生攜童男女五百人入海行至此愛其地遂留居焉後別爲一國云

遼陽詠古

月色遼城照玉顏深閨幾處望刀環至今天外芙蓉影盡是當年夢裡山

箕子陳疇五福終東來敷教有遺風管寧不是公孫

客自愛乘桴入海東

化鶴遼州丁令威靈波一去千年歸西風若再臨華

表城郭人民恐盡非丁令威學道靈波山

嘉平廿一日潘陽城中鼓樂喧闐自朝至夜

風來盈耳一片歡聲蓋吉日良辰嫁娶俱卜

使潘州

卷二

七

此日而是夕明月當天旁有紅雲掩映似與

他日倍有可觀因憶是日爲兒子福布成婚

之期華堂喜得佳婦阿母與諸父諸舅樂可

知矣得詩三章

滿城簫鼓動春風遙憶華堂酒正紅此夜月明渾異

昔綵雲偏繞廣寒宮

花燭高烧近繡櫳爭看新婦畫堂東紫簫聲裏傳雙

鳳諸父裁箋賀阿翁鳳傳書用庚子山語

香綵寶鴨篆輕烟阿姊移燈阿母前道是而翁得佳

婦燈花遶海看同圓

祀竈曰

遙知三拜整傷盤燒燭成花舉室歡應比常年多祝語行人風雪總平安

臘月二十四日

鄉俗以此日祭祖是月兒子福布成婚新婦與祭家庭一大樂事造爲志喜

香滿華堂酒滿尊黃昏燈燭夜盈門先公式几應含笑又見吳興一葉孫

吳興家郡名

使藩帥

卷二

人

客中無紙作書就昇賓旭同年乞牋紙賓旭

迺盡所有相遺詩以謝之

爲乞雲箋就右軍金花持贈色鮮新西風愧殺張平子獨少瓊瑤報美人

歲暮懷人絕句

恩福堂前暖日融百花爭放及春風晉公朝罷看桃李獨有一枝開向東

英冢宰師

惱殺揚州杜牧之三年空唱竹枝詞金門抱璞無人識贏得秋霜兩鬢絲

左宦叔孝廉朝第 筐叔有我 是揚州杜牧之從今不唱竹枝

詞之

伯山亦是今才子欲學顛狂李謫仙攜我漢書聊下酒曹騰醉裏又新年

家弟伯山孝廉東之

詩酒風流陳季常更從韓柳論文章而今潦倒看花

興一樹春風謝海棠

陳石士御史用光今改編修新喪愛妾

十年西域老穹廬著得人間未見書今日歸來頭未白紫薇花下夢回初

徐星伯編修松今改中書著新疆志及西域水道志 夢回初一作夢蘼蘼

明遠飄然氣不羣廿年京洛共論文酒醒忽拂緇塵去獨卧黃山看白雲

鮑覺生司空桂星今官編修

使藩帥

卷二

九

才幸彈冠又解冠麻衣蕭瑟不勝寒梅花白雪楓涇

路可有詩人掩淚看

陳小孟編修鴻臚今改中書復以父憂去官

詩名久已遍滄洲孺子能知君姓劉夢裡從君江上望白蘋紅蓼不勝秋

劉明東上舍開

晴雪園林十畝寬主人東去北風寒梅花開落知誰

管付與龍鍾老竹看

方竹吾茂才適繼居北園花竹擅吾鄉之勝

清思都在飲茶初今日詩家合讓渠欲識蓮花舊博

士卽今梅影老中書

吳蘭雪中書嵩梁 蘭雪善飲茶曾官國子博士又爲其亡姬

作梅影詩法詩龜學士稱爲梅影中書